



FLETORJA ZYRTARE E REPUBLIKËS SË SHQIPËRISË

Botim i Qendrës së Publikimeve Zyrtare

www.legjislacionishqiptar.gov.al

Nr.2

11 janar

2008

P Ë R M B A J T J A

		Faqe
Udhëzim i MF nr.1, datë 11.1.2008	Për tatimin mbi të ardhurat	7
Udhëzim i MF nr.2, datë 11.1.2008	Për disa shtesa dhe ndryshime në udhëzimin nr.3, datë 30.1.2006 “Për tatimin mbi vlerën e shtuar”, i ndryshuar	14
Udhëzim i MF nr.3, datë 11.1.2008	Për disa shtesa dhe ndryshime në udhëzimin nr.7, datë 16.6.2003 “Për akcizat”, i ndryshuar	19

UDHËZIM
Nr.1, datë 11.1.2008

PËR TATIMIN MBI TË ARDHURAT

Në mbështetje të nenit 102, pika 4 të Kushtetutës së Republikës së Shqipërisë dhe në zbatim të ligjit nr.8438, datë 28.12.1998 “Për tatimin mbi të ardhurat”, i ndryshuar, Ministri i Financave

UDHËZON:

1. Të ardhurat e personave fizikë dhe juridikë, subjekte të taksës vendore mbi biznesin e vogël, të cilët realizojnë një qarkullim vjetor jo më shumë se 8 milionë lekë dhe jo më pak se 2 milionë lekë janë subjekt i tatimit mbi të ardhurat personale.

2. Shpenzime të panjohura për efekte fiskale, përveç atyre të përmendura në ligj nuk do të njihen shpenzimet për paga, shpërblime dhe çdo formë tjetër e të ardhurave personale, të cilat lidhen me të ardhurat në marrëdhëniet e punësimit, që u janë paguar të punësuarve, përfshirë dhe administratorët, pa kaluar nëpërmjet sistemit bankar. Përrjashtimisht nga ky rregull bëjnë pjesë ato subjekte të cilat ushtrojnë veprimtari në zonat të cilat nuk mbulohen nga rrjeti bankar, sipas vendimit të Këshillit të Ministrave nr.802, datë 21.11.2007 “Për përcaktimin e rasteve të shpenzimeve të panjohura, për efekt të përcaktimit të fitimit të tatueshëm”.

Gjithashtu, përrjashtimisht nga ky rregull bëjnë pjesë ato kategori blerjesh me para në dorë, përcaktuar në vendimin e Këshillit të Ministrave nr.632, datë 21.11.2007 “Për përcaktimin e rasteve të përrjashtimit të pagesave *cash* për blerje mallrash dhe shërbimesh”, nga individë të përrgjistruar në organet tatimore dhe që ushtrojnë veprimtari ekonomike në fushën e grumbullimit dhe të përrgatitjes për riciklim të mbeturinave dhe mbetjeve, metalike e jometalike (letër, gomë, sende plastike, tekstile, qelq etj.), grumbullimi dhe përrpunimi i bimëve mjekësore, grumbullimi dhe përrpunimi i produkteve bujqësore, blegtorale dhe të peshkut.

3. Për të gjitha rastet e tjera, tatimpaguesit do t’i njihen për efekt shpenzimesh vetëm ato pagesa me lekë në dorë (*cash*) për blerje mallrash e shërbimesh me vlerë deri në shumën 300 000 lekë për çdo blerje, por jo më shumë se 10 për qind të totalit të blerjeve gjatë periudhës tatimore. Mbi këtë shumë, për të qenë të njohura si shpenzime për efekte fiskale, pagesat duhet të kalojnë nëpërrmjet xhirimeve në llogarinë bankare.

DOKUMENTACIONI QË PËRDORET DHE MBAJTJA E REGJISTRIMEVE TË TATIMPAGUESVE TË TAKSËS VENDORE MBI BIZNESIN E VOGËL ME QARKULLIM MBI 2 DERI NË 8 MILIONË LEKË NË VIT

4. Për çdo vendndodhje të veprimtarisë, tatimpaguesi duhet të mbajë një seri regjistrimesh më vete dhe dokumentacionin që lidhet me atë vendndodhje biznesi.

4.1 Për qëllimet e këtij tatimi, tatimpaguesi duhet të mbajë regjistrimet dhe dokumentet që vijojnë:

- a) dokumentet e blerjes, ku përrfshihen fatura tatimore me TVSH, fatura e thjeshtë tatimore, dëftesa tatimore etj., për të vërrtetuar blerjet e kryera;
- b) dokumentet e shitjes ku përrfshihen, fatura e thjeshtë tatimore, dëftesa tatimore dhe përrmbledhëset ditore të arkës regjistruese (për shitjet me arkë);
- c) librin e blerjeve;
- d) librin e shitjeve;
- e) librin e inventarit të gjendjes së mallrave në fund të vitit;
- f) librin e shpenzimeve dhe të ardhurave;
- g) librin e aktiveve të biznesit.

4.2 Të gjitha këto dokumente do të jenë në përrputhje me modelet që i bashkëngjiten këtij udhëzimi.

4.3 Në fund të periudhës tatimore, subjektet e biznesit të vogël, me qarkullimin vjetor mbi 2 deri 8 milionë lekë në vit detyrohen të deklarojnë në organin tatimor (degën e tatimeve të rrethit përrkatës) inventarin e gjendjes së mallrave në fund të periudhës sipas njërës prej metodave të përrcaktuara në ligjin nr.9228, datë 29.4.2004. Modeli i paraqitjes së inventarit të mallrave të biznesit në fund të periudhës tatimore (31 dhjetor të vitit financiar të mbyllur), i bashkëngjitet këtij udhëzimi.

4.4 Tatimpaguesit e taksës vendore mbi biznesin e vogël me qarkullim vjetor të mallrave të shitura apo të shërbimeve të ofruara mbi 2 deri në 8 milionë lekë në vit, detyrohen të plotësojnë e dorëzojnë në një nga bankat me të cilat vepron organi tatimor formularin e deklarimit të të ardhurave vjetore. Formulari i deklarimit të të ardhurave vjetore dhe fatura e thjeshtë tatimore prodhohen dhe u shpërndahen tatimpaguesve të taksës vendore mbi biznesin e vogël nga organi tatimor. Dokumentacioni bashkëngjitur udhëzimit paraqitet nga subjekti në çdo rast kontrolli të ushtruar nga organet tatimore. Ato duhet të garantojnë saktësinë e të dhënave të kërkuara.

4.5 Organet e pushtetit vendor i dorëzojnë brenda muajit janar 2008, degëve të tatimeve listën e tatimpaguesve të taksës vendore mbi biznesin e vogël, të cilët në bazë të deklaratës parashikuese të qarkullimit apo në bazë të vlerësimeve të bëra nga zyra e taksave në bashki, apo komunë, rezultojnë me një vlerësim qarkullimi 2 deri 8 milionë lekë për vitin kalendarik.

KUNDËRVAJTJET

5. Konsiderohen kundërvajtje administrative mospasqyrimi i saktë i të ardhurave dhe shpenzimeve nga veprimtaria me efekt në të ardhurat e tatueshme dhe dënohet, përveç detyrimit edhe me një dënim të barabartë me shumën e këtij detyrimi.

5.1 Falsifikimi i të dhënave dhe i dokumentacionit për të ardhurat dhe shpenzimet dënohet, përveç detyrimit edhe me një dënim të barabartë me shumën e këtij detyrimi.

5.2 Mosparaqitja brenda afatit kohor e deklaratës tatimore vjetore dënohet me një gjobë në masën 10 000 lekë për çdo muaj vonesë.

5.3 Për mosrespektim të afatit të përcaktuar në këtë ligj për pagimin e tatimit, personat përgjegjës paguajnë një interes për pagesë të vonuar, në përputhje me ligjin e procedurave tatimore në Republikën e Shqipërisë.

5.4 Mosmbajtja e rregullt e regjistrimeve të inventarit dënohet me një gjobë në masën 10 000 lekë.

5.5 Për mosrespektimin e afatit të përcaktuar në këtë ligj, për pagimin e tatimit personat, përgjegjës paguajnë interesa për pagesë të vonuar, në përputhje me ligjin për procedurat tatimore në Republikën e Shqipërisë.

5.6 Procedurat e ankimit dhe të ekzekutimit të masave administrative bëhen në përputhje me ligjin "Për procedurat tatimore në Republikën e Shqipërisë".

DISPOZITA KALIMTARE

6. Organet tatimore, kontrollojnë subjektet e taksës vendore me qarkullim nga 2 deri në 8 milionë lekë në vit për mbajtjen e rregullt e të saktë të dokumentacionit të përcaktuar në këtë udhëzim. Ato kontrollojnë afishimin e çmimeve, lëshimin e dokumentacionit për çdo shitblerje nëpërmjet faturave të thjeshta tatimore, kuponeve nga regjistruerit e arkave me memorie fiskale apo dëftesave tatimore, si dhe kryejnë verifikime mbi saktësinë e inventarëve të paraqitur nga deklarimi i subjekteve, por edhe mbështetjen e tyre me fatura blerjeje.

7. Ky udhëzim hyn në fuqi me botimin në Fletoren Zyrtare dhe i shtrin efektet nga 1 janari 2008.

MINISTRI I FINANCAVE
Ridvan Bode

Te Ardhurat e Shpenzimet per vitin

Tatimpaguesi.....

NIPT

Aktivitet.....

(Llogaria e Fitimeve dhe e Humbjeve)

Nr.	SHPENZIMET	Vlefte* ne leke	Nr.	TE ARDHURAT	Vlefte* ne leke
1	Kostua e Lendeve te Para dhe Materialeve te shitura (a-b)		1	Nga Shitja e Produkteve te Prodhimit te Vete	
a	Blerje lende te para e materiale gjate vitit		2	Nga shitja e Sherbimeve	
b	Gjendje nga inventari		3	Nga shitja e Mallrave	
2	Kostua e mallrave te shitura (a-b)		4	Nga shitja e Materialeve	
a	Blerje mallra gjate vitit		5	Nga shitja e aktiveve	
b	Gjendje nga inventari		6	Arketimi i debitoreve te shlyer	
3	Shpenzime ne funksion te aktivitetit		7	Interesa te Fituara dhe te Ngjajshme	
a	Energjia, uji, telefoni, faksi, interneti		8	Diferenca pozitive nga Kembimi valutor	
b	Shpenzime te qarkullimit te mallit e transportit			TOTALI I TE ARDHURAVE (1+2+3+4+5+6+7+8)	
c	Benzine/Nafte/Gaz				
d	Qera ambjenti				
e	Pagesa te kreditoreve per shlyerje dhe huave afatshkurtra				
f	Interesa te Paguara dhe komisione bankare			REZULTATI (TE ARDHURA - SHPENZIME) ME:	
g	Diferenca Negative nga kembimi valutor				
h	Taksa Doganore		A	FITIM	
i	Shpenzime administrative, mirembajtje dhe te tjera			TATIMI I THJESHUAR MBI FITIMIN (10 %)	
4	Shpenzime per pagat			FITIMI MBAS TATIMIT	
a	Pagat			PAGUAR TATIM PARADHENIE NE TREMUJORE	
b	Sigurime shogerore dhe te ngjashme			SHUMA PER TU DERDHUR	
5	Amortizimi i Aktiveve				
	TOTALI I SHPENZIMEVE (1+2+3+4+5)		B	HUMBJE	

* ne shitje dhe blerje do te shenohet vlera bruto e faturuar

INSPEKTORI KONTROLLUES
(Emri Mbiemri Firma)

PERSONI VETEDeKLARUES
(Emri Mbiemri Firma Vula)

UDHËZIM
Nr.2, datë 11.1.2008

**PËR DISA SHITESA DHE NDRYSHIME NË UDHËZIMIN NR.3, DATË 30.1.2006 “PËR
TATIMIN MBI VLERËN E SHTUAR”, I NDRYSHUAR**

Në mbështetje të nenit 102, pika 4 të Kushtetutës së Republikës së Shqipërisë, si dhe në zbatim të neneve 58.1, 58.2, 58.3, 58.4 të ligjit nr.7928, datë 27.4.1995 “Për tatimin mbi vlerën e shtuar”, i ndryshuar, Ministri i Financave

UDHËZON:

1. Pas pikës 7.9.3 të udhëzimit, shtohet pika 7.9.4 “Lista e produkteve të përfshira në skemën e kompensimit për fermerët” me përmbajtje:

7.9.4 Lista e produkteve të përfshira në skemën e kompensimit për fermerët

Fermerët, të cilët në kuadër të veprimtarisë së kryer prej tyre, në një nga fushat e prodhimit të produkteve bujqësore e blegtorale, furnizojnë një person të tatueshëm sipas kuptimit të ligjit nr.7928, datë 27.4.1995 “Për tatimin mbi vlerën e shtuar”, i ndryshuar, përfitojnë një kompensim kundrejt furnizimeve të kryera, sipas skemës së kompensimit të akorduar.

Lista e produkteve për të cilat zbatohet skema e kompensimit është si më poshtë:

A. Produkte bujqësore

- produkte bujqësore të përgjithshme;
- bimë zbukuruese dhe lulet, të natyrës ose të serave;
- prodhimi i kërpudhave;
- prodhimi i fidanishteve (kultivimin e pemëve të reja për shitje), farave;
- produkte medicinale.

B. Produkte blegtorale

- qumësht dhe nënprodukte të qumështit.

C. Të tjera

- mbarështim i bagëtive;
- mbarështim i shpendëve;
- mbarështim i lepujve;
- mbarështim i bletëve;
- mbarështim i krimbit të mëndafshit;
- mbarështim i kërmillit.

Fermerët, përfitues të skemës së kompensimit dhe që janë të pajisur me një kod personal lëshuar nga Ministria e Bujqësisë, Ushqimit dhe Mbrojtjes së Konsumatorit duhet të kenë kartën e fermerit, bashkëlidhur këtij udhëzimi.”.

2.Pika 9.1 “Libri i blerjeve” ndryshohet me përmbajtjen, si më poshtë:

“9.1 Libri i blerjeve

Libri i blerjeve është i detyrueshëm të mbahet nga të gjithë personat e tatueshëm. Forma dhe përmbajtja e tij është sipas formularit bashkëngjitur këtij udhëzimi. Ai duhet të tregojë në faqen e parë numrin e identifikimit dhe emrin e personit. Të gjitha faqet duhet të kenë numër rendor. Libri plotësohet çdo ditë. Në të regjistrohen për çdo transaksion furnizuesi dhe të dhënat e faturës që paraqet transaksionin.

Në këtë libër regjistrohen data e lëshimit të faturës, numri rendor i faturës, numri serial i shtypur nga shtypshkronja ose nga tatimpagues, i kur i lejohet, të dhënat e deklaratës së importit, emri i shitësit dhe numri i identifikimit tatimor të tij.

Blerjet regjistrohen në vlerë totale, e cila përfshin edhe TVSH-në (në qoftë se ka), si dhe të ndara në blerje me TVSH dhe në blerje pa TVSH. Blerjet me TVSH regjistrohen të ndara në importe dhe blerje brenda vendit.

Për çdo blerje me TVSH personi regjistron vlerën e tatueshme dhe TVSH-në që i korrespondon kësaj blerjeje.

Për çdo blerje nga fermerët, sipas skemës së paraqitur në nenet 58.1, 58.2, 58.3, 58.4 të ligjit nr.7928, datë 27.4.1995 “Për tatimin mbi vlerën e shtuar”, i ndryshuar, personi regjistron vlerën e mallit të blerë te fermerët. Në një kolonë të veçantë, regjistrohet kompensimi i paguar fermerit, si produkt i

vlerës së mallit të blerë me përqindjen e kompensimit.

Në fund të librit të blerjeve janë fletët e inventarit, të cilat përdoren për të pasqyruar inventarin e mallrave në fund të vitit.

Një kopje e regjistrimeve mujore në librin e blerjeve paraqitet në degën e tatimeve brenda datës 14 të çdo muaji.”.

3. Në zbatim të pikës 10.1 “Deklarata dhe pagesa e TVSH-së”, formulari ekzistues i deklarimit dhe pagesës shfuqizohet dhe zëvendësohet me formularin e paraqitur bashkëlidhur këtij udhëzimi.

4. Pas pikës 19.6 të udhëzimit, shtohet pika 19.7 “Dënime për shkelje të skemës së kompensimit të fermerëve”, me përmbajtje:

“Në qoftë se fatura e lëshuar nga blerësi, person i tatueshëm, nuk përmban të gjitha të dhënat që janë të përcaktuara në nenin 58.4 të ligjit, personi i tatueshëm nuk ka të drejtë të kreditojë kompensimin e paraqitur në të dhe, detyrohet të paguajë një dënim të barabartë me vlerën e kompensimit, por jo më të vogël se 10 000 lekë.”.

Ky udhëzim hyn në fuqi me botimin në Fletoren Zyrtare dhe i shtrin efektet nga 1 janari 2008.

MINISTRI I FINANCAVE
Ridvan Bode

Karta e Fermerit

Pjesa e perparme e kartes:

MINISTRIA E BUJQËSISË, USHQIMIT DHE MBROJTJES SË KONSUMATORIT									
KARTË E FERMERIT									
DRBUMK _____									
Data e lëshimit:									
<table border="1"><tr><td>0</td><td>1</td><td>0</td><td>1</td><td>2</td><td>0</td><td>0</td><td>8</td></tr></table>		0	1	0	1	2	0	0	8
0	1	0	1	2	0	0	8		

Pjesa e mbrapme e kartes:

Emri dhe Mbiemri _____									
Rrethi _____									
Komuna _____									
Fshati _____									
Kodi vetiak:									
<table border="1"><tr><td> </td><td> </td><td> </td><td> </td><td> </td><td> </td><td> </td><td> </td></tr></table>									
Drejtori DRBUMK	Fermeri								
_____	_____								
Nënshkrimi dhe vula	Nënshkrimi								

**FORMULAR I DEKLARIMIT DHE
PAGESES SE TVSH**

Numri i Vendosijes se Dokumentit (NVD)
(Vetem per perdorim zyrtar)



(2) Periudha tatimore

(1) Numri Serial:

Numri Identifikues i Personit te Tatueshem (NIPT):(3)

Emri Tregtar i Personit te Tatueshem: (4)

Emri Mbiemri i Personit Fizik: (5)

Adresa: (6)

Qyteti/Komuna/Rrethi: (7)

Numri Telefonit:

Lajmeroni nese informacioni i mesiperm eshte jo i plotë ose ka ndryshuar

[8] Shenoni 'X' nqs gjate muajit nuk eshte bere asnje transakcion.Vendosni Daten,Firmosni dhe dorezoni Deklaraten.

TVSH e llogaritur për muajin :

(9) Shitje të përjashtuara

(10) Eksporte

(11) Shitjet e tatueshme

Vlera e tatueshme

TVSH i llogaritur

(9)	
(10)	
(11)	(12)

TVSH e paguar për muajin :

(13) Blerje të përjashtuara e me TVSH jo të zbritshme

(14) Importe

(16) Blerje nga furnitore vendas

(18) Blerje nga fermeret vendas

Vlera e tatueshme

TVSH i zbritshëm

(13)	
(14)	(15)
(16)	(17)
(18)	(19)

Saktësime.

(20) TVSH i zbritshëm,mbartur nga muaji kaluar

(21)Kërkesë rimbursimi i tepriçës së TVSH së zbritshme nga muaji kaluar

(22)Gjendja TVSH së zbritshme nga muaji kaluar((20)-(21))

(23) Totali i TVSH së zbritshme për muajin((15)+(17)+(19)+(22))

(24)Tepriça eTVSH të zbritshëm {(23)-(12)nqs(23)>(12)}
(Të mbartet në muajin pasardhës)

(25) TVSH I DETYRUESHEM PER TU PAGUAR((12)-(23)nqs(12)>(23))

(26) Gjoha për vonesa në Pagesë/Dorëzim deklarate

(27) TOTALI PER TU PAGUAR

(20)	
(21)	
	TVSH i zbritshëm
	(22)
	(23)
(24)	
	(25)
	(26)
	(27)

Data dhe Firma e Personit te Tatueshem - Deklaroj nen pergjegjesine time qe informacioni i mesiperm eshte i plote dhe i sakte.

PAGESA

Vetem per perdorim zyrtar

Leke

Xhirim

Cek

(28)SHUMA E PAGUAR:

(28)

Data , Vula e Bankes dhe nenshkrimi i nopushtit te bankes

Originali - Dega e Tatimeve
Kopja -Personi i Tatueshem

Periudha e deklaruar

1. Numri serial perdoret nga Dega e Tatimeve dhe sherben per te azhornuar regjistrimet tuaja kur paraqitet deklarata
2. Periudha Tatimore e Personit te Tatueshem (NIPT) eshte numri i vetem qe ju perfaqeson ju ne te gjitha marredheniet me Degen e Tatimeve.Ju duhet ta vendosni NIPT-in tuaj ne te gjitha faturat.

Hollasi te Personit te Tatueshem.

3.Numri Identifikues i Personit te Tatueshem (NIPT) eshte numri i vetem qe ju perfaqeson ju ne te gjitha marredheniet me Degen e Tatimeve.Ju duhet ta vendosni NIPT-in tuaj ne te gjitha faturat.

4. Emri Tregtar i Personit te Tatueshem eshte emri me te cilin ju paraqitni veprimtarine tuaj dhe qe tregohet ne certifikaten tuaj te NIPT-it

5. Emri,Mbiemri i Personit Fizik vendoset kur veprimtaria ekonomike kryhet nga nje Person Fizik dhe nuk ka emer tregtar

6. Adresa tregohet per vendin kryesor te ushtrimit te veprimtarise tuaj ekonomike. Kjo adrese eshte e treguar edhe ne certifikaten tuaj te NIPT-it.

7. Numri i Telefonit tregon numrin e telefonit ne vendin kryesor te ushtrimit te veprimtarise tuaj ekonomike.

Shenimi.Nqs ndonje nga treguesit e rubrikave 4,5,6,7 ka ndryshuar,lutemi paraqitni informacionin e ri.

Mungese veprimtarie per muajin.

8. Nqs ju nuk keni kryer asnje tip transakcioni gjate muajit,shenoni nje "X" ne kutine 8.Asnje informacion shtese nuk ju kerkohej vesce t'i vendosni daten deklarates,ta firmosni ate,ta paraqitni ne bankë sic veproni me pagesat normale te TVSH.

Shitjet tuaja(Qarkullimi)per muajin

9. Nga kolona "Shitje te perjashtuara" e Librit tuaj te Shitjeve,nxirimi totalin e te gjithë shitjeve te perjashtuara te muajit dhe paraqitni rezultatin ne kutine totale i shitjeve te perjashtuara ne fund te faqes se ketij libri.Njekohesisht shumën e perftuar vendoseni ne kutine 9 te Deklarates tuaj.Shitjet e Perjashtuara nuk i nënshtrohen TVSH.

10.Nga kolona "Eksporte"e Librit tuaj te Shitjeve,nxirimi totalin e te gjithë eksporteve te bëra per muajin dhe paraqitni rezultatin ne kutine totale i eksporteve ne fund te faqes se ketij libri.Njekohesisht shumën e perftuar vendoseni ne kutine 10 te Deklarates tuaj.Eksportet taten me 0%.

11.Nga kolona "Vlera e Tatueshme"e Librit tuaj te Shitjeve,nxirimi totalin e te gjitha shitjeve te bëra gjate muajit dhe paraqitni rezultatin ne kutine totale i vlerës së tatueshme ne fund te faqes se ketij Libri.Njekohesisht shumën e perftuar vendoseni ne kutine 11 te Deklarates tuaj.Shitjet e Tatueshme i nënshtrohen një tatimi prej 20%.

12. Nga kolona 12"Shitjet e Tatueshme-TVSH", e Librit tuaj te Shitjeve,nxirimi totalin e këtyre shitjeve per muajin dhe paraqitni rezultatin ne kutine totale tvsh e shitjeve te tatueshme ne fund te faqes se ketij Libri.Njekohesisht shumën e perftuar vendoseni ne kutine 12 te Deklarates tuaj.Vlera ne kutine 12 duhet te paraqesë 20% te vlerës së paraqitur ne kutine 11.

Blerjet tuaja gjate Muajit.

13. Nga kolona 13"Blerje te perjashtuara dhe me TVSH jo te zbritshme" e Librit tuaj te Blerjeve,nxirimi totalin e këtyre blerjeve dhe paraqitni rezultatin ne kutine totale i blerjeve te perjashtuara dhe me tvsh jo te zbritshme ne fund te faqes se ketij Libri.Njekohesisht shumën e perftuar vendoseni ne kutine 13 te Deklarates tuaj.Për këto blerje nuk do te bëhet zbritje e TVSH.

14. Nga kolona "Vlera e Tatueshme e Importeve" e Librit tuaj te Blerjeve per muajin,mblidhni totalin e këtyre blerjeve dhe shkruani rezultatin ne fund te faqes se ketij Libri.Njekohesisht shumën e perftuar vendoseni ne kutine 14 te Deklarates tuaj.TVSH e paguar ne import zbritet.

15. Nga kolona "Importe TVSH" e Librit tuaj te Blerjeve,nxirimi totalin e këtyre blerjeve dhe paraqitni rezultatin ne kutine totale importe tvsh ne fund te faqes se ketij Libri.Njekohesisht shumën e perftuar vendoseni ne kutine 15 te Deklarates tuaj.Vlera ne kutine 15 duhet te jetë e barabartë me 20% te vlerës së kutisë 14.

16. Nga kolona "Vlera e tatueshme e blerjeve brenda vendit" e Librit tuaj te Blerjeve,nxirimi totalin e këtyre blerjeve dhe paraqitni rezultatin ne kutine totale i vlerës së tatueshme ne fund te faqes se ketij Libri.Njekohesisht shumën e perftuar vendoseni ne kutine 16 te Deklarates tuaj.Për mallrat e blera nga furnizues vendas që janë regjistruar për TVSH,përfitohet zbritja e TVSH.

17. Nga kolona "TVSH blerje brenda vendit" e Librit tuaj te Blerjeve,mblidhni totalin e këtyre blerjeve dhe paraqitni rezultatin ne fund te faqes se ketij Libri.Njekohesisht shumën e perftuar vendoseni ne kutine 17 te Deklarates tuaj.Vlera ne kutine 17 duhet te jetë e barabartë me 20% te vlerës së kutisë 16.

18. Nga kolona "Vlera e tatueshme e blerjeve nga fermerët vendas" e Librit tuaj te Blerjeve,nxirimi totalin e këtyre blerjeve nga fermerët e paregjistruar për TVSH dhe paraqitni rezultatin ne kutine totale i vlerës së tatueshme ne fund te faqes se ketij Libri.Njekohesisht shumën e perftuar vendoseni ne kutine 18te Deklarates tuaj.

19. Nga kolona "TVSH i zbritshëm kompensimi i fermerëve" e Librit tuaj te Blerjeve,mblidhni totalin e këtyre blerjeve dhe paraqitni rezultatin ne fund te faqes se ketij Libri.Shumën e perftuar vendoseni ne kutine 19 te Deklarates tuaj.Vlera ne kutine 19 duhet te jetë e barabartë me 6% te vlerës së kutisë 18 dhe përfitohet zbritja nga TVSH.

Saktësimet

20.Nqs ne Deklaraten tuaj te muajit te kaluar keni një tepricë TVSH te zbritshëm,paraqitni ate ne kutine 20.Kjo shumë është treguar ne kutine 24 te Deklarates tuaj te muajit te kaluar.

21. Nqs vlera e paraqitur ne kutine 20 është mbi 400000 lekë dhe per cdo deklarate tuaj te 3 muajve te njëpasnjëshme keni një tejkalim te TVSH te zbritshëm(vlera e treguar ne kutine 24)ju mund te paraqesni një kërkesë per Rimbursim te Tepricës se TVSH te zbritshme. Plotësoni Formularin e Kërkesës per Rimbursim me shumën qe ju duhet te rimburoheni.Paraqitni këtë vlerë ne kutine 21 te Deklarates tuaj.

22. Llogarisni gjendjen e TVSH se zbritshme nga muaji i kaluar duke zbritur nga vlera e kutisë 20,vlerën e kutisë 21 dhe rezultatin paraqitni ne kutine 22.

Totali i TVSH te zbritshëm per Muajin.

23. Llogarisni totalin e TVSH se zbritshëm per muajin,duke mblidhur TVSH e zbritshëm per Importet(kutia15),TVSH e zbritshëm per Blerjet nga furnizuesit vendas(kutia 17),kompensimi i paguar per blerjet nga fermerët (kutia 19) dhe gjendjen e TVSH te zbritshëm nga muaji i kaluar(kutia 22).Shumën paraqitni ne kutine 23.

Teprica e TVSH te zbritshëm.

24. Nqs Totali i TVSH te zbritshëm per muajin(kutia 23)është më i madh se TVSH i llogaritur per shitjet e muajit(kutia 12),keni një Tepricë TVSH te zbritshëm dhe nuk duhet te bëni asnjë pagesë ne këtë muaj.Llogaritni tepricën e tvsh te zbritshëm duke zbritur vlerën e kutisë 12 nga vlera e kutisë 23 dhe paraqitni rezultatin e perftuar ne kutine 24.Nqs vlera e kutisë 12 është më e madhe ose e barabartë me vlerën e kutisë 23 shkruani zero ne kutine24.

TVSH i detyrueshëm per tu paguar

25.Nqs TVSH i llogaritur per muajin(kutia 12) është më i madh se Totali i TVSH te zbritshëm per muajin(kutia23),keni tvsh te detyrueshëm per tu paguar.Llogarisni TVSH e detyrueshëm per tu paguar duke zbritur vlerën e kutisë 23 nga vlera e kutisë 12 dhe paraqitni rezultatin e perftuar ne kutine 25.Nqs vlera e kutisë 23 është më e madhe ose e barabartë me vlerën e kutisë 12,shkruani zero ne kutine 25.

Plotësoni Deklaratën dhe Paguani TVSH

Deklarata duhet te plotësohet dhe paraqitet nga ju ne bankë per pagesë Brenda datës 14 te muajit pasardhës nga muaji i treguar ne Deklaratë si periudhë tatimore.Nqs ju keni pagesë per te bërë dhe e bëni këtë pagesë Brenda kësaj date shenoni shumën e kutisë 25 ne kutine 27.Nqs bëhet një pagesë e pjesshme ose një pagesë e vonuar,detyrimin tuaj i shtohen gjoba dhe interesa.Dega e Tatimeve mund t'ju tregojë vlerën qe duhet te vendosni ne kutine 26.Mblidhni vlerën e kutisë 25 me atë te kutisë 26 dhe shenoni detyrimin total ne kutine 27.Vendosni datën e plotësimit te Deklarates,firmoseni ate dhe paraqitni ne bankë ,ku një kopje e kësaj deklarate do t'ju kthehet pas pagesës.Ju duhet te paraqitni ne bankë me këtë deklarate edhe nqs nuk keni ndonjë shumë per te paguar.

Per më shumë informacion lexoni Udhëzuesin e TVSH ose merrni kontakt me Degen e Tatimeve te rrethit tuaj.

UDHËZIM
Nr.3, datë 11.1.2008

PËR DISA SHTESA DHE NDRYSHIME NË UDHËZIMIN NR.7, DATË 16.6.2003
“PËR AKCIZAT”, I NDRYSHUAR

Në mbështetje të nenit 102, pika 4 të Kushtetutës së Republikës së Shqipërisë, si dhe në zbatim të ligjit nr.8976, datë 12.12.2002 “Për akcizat në Republikën e Shqipërisë”, me ndryshime, Ministri i Financave

UDHËZON:

1. Pika 2.4 e udhëzimit ndryshohet si vijon:
 - 2.4 Autorizimi i akcizës i lëshohet personit që e kërkon atë njëherë me fillimin e veprimtarisë tregtare dhe është i vlefshëm deri në mbylljen e kësaj veprimtarie, me të paraqitur kërkesën për mbyllje.
2. Pika 2.5 e udhëzimit ndryshohet si vijon:
 - 2.5 Në rastet kur aplikanti nuk ka zbatuar kërkesat e ligjit dhe të këtij udhëzimi, organi tatimor mund t'i revokojë formularin e autorizimit të akcizës së lëshuar si “tatimpagues akcize i autorizuar”.
3. Pika 3.5 e udhëzimit ndryshohet si vijon:
 - 3.5 Miratimi i magazinës tatimore i lëshohet personit që e kërkon atë, njëherë me fillimin e veprimtarisë tregtare dhe është i vlefshëm deri në mbylljen e kësaj veprimtarie, me të paraqitur kërkesën për mbyllje.
4. Pika 3.9 e udhëzimit ndryshohet si vijon:
 - 3.9 Organi tatimor mund t'i revokojë formularin e miratimit të magazinës tatimore aplikantit, kur magazina tatimore nuk përmbush ndonjë nga kushtet e përcaktuara në paragrafin 3.8 me sipër ose kur aplikanti ka kërkuar miratimin për një operacion që nuk lejohet nga dispozitat e ligjit nr.8976, datë 12.12.2002 “Për akcizat në Republikën e Shqipërisë”, apo të udhëzimit në zbatim të tij.
5. Pika 50.1 e udhëzimit ndryshohet si vijon:
 - 50.1 Rimbursimi i akcizës mund të kërkohej në këto raste:
 - a) kur sasia e pullave të akcizës është prishur ose kjo sasi bëhet e papërdorshme, përpara se ato të ngjiten ose gjatë procesit të ngjitjes, kur ky veprim kryhet nga një makineri;
 - b) kur sasia e pullave të akcizës bëhet e pavlefshme për shkak të ndryshimeve në nivelin e akcizës;
 - c) kur sasia e paketave të cigareve me pulla akcize është e papërdorshme për treg;
 - d) kur sasia e pijeve alkoolike me pulla që mund të importohet, por nuk mund të shitet në treg dhe është e destinuar për të prodhuar pije të tjera alkoolike në Republikën e Shqipërisë.
6. Në pikën 50.2 të udhëzimit shtohet germa “d” me këtë përmbajtje:
 - d) Komisioni i përbërë nga përfaqësues të Ministrisë së Bujqësisë, Ushqimit dhe Mbrojtjes së Konsumatorit, Ministrisë së Mjedisit, Pyjeve dhe Administrimit të Ujërave, si dhe të Drejtorisë së Përgjithshme të Tatimeve vërteton nëpërmjet analizave të kryera se sasia e paketave të cigareve me pulla fiskale është e papërdorshme për tregun dhe duhet të asgjësohet, si dhe kërkon rimbursimin e akcizës në bazë të germës “c” të pikës 50.1 të këtij udhëzimi.
7. Në pikën 50.6 të udhëzimit shtohet pika “c” me këtë përmbajtje:
 - c) kthimi në Drejtorinë e Përgjithshme të Tatimeve i sasisë së paketave të cigareve me pulla fiskale, në vijim të miratimit nga Komisioni i ngritur sipas germës “d” të pikës 50.2 për asgjësimin e tyre, kur rimbursimi i akcizës kërkohej në bazë të germës “c” të pikës 50.1 të këtij udhëzimi.
8. Ky udhëzim hyn në fuqi me botimin në Fletoren Zyrtare.

MINISTRI I FINANCAVE
Ridvan Bode

Abonimet vjetore për Fletoren Zyrtare mund të bëhen pranë Postës Shqiptare ose pranë Qendrës së Publikimeve Zyrtare, në adresën: Bulevardi “Zhan d'Ark”, prapa ish-ekspozitës "Shqipëria Sot", nr.tel: 04 258 472 (Kryeredaktori)
 Çmimi i abonimit në postë për Fletoret Zyrtare 2008 është 16 000 lekë.
 Çmimi i abonimit në QPZ është 14.000 lekë pa detyrimin e shpërndarjes në adresa.

BOTIMET E QENDRËS SË PUBLIKIMEVE ZYRTARE

1. KUSHTETUTA E SHQIPËRISË	600 lekë
2. REGJISTRAT E NOTERISË	1000 lekë

BOTIME TË REJA (Të përditësuara gusht 2007)

KODI PENAL	210 lekë
KODI I PROCEDURËS PENALE	332 lekë
KODI PENAL dhe KODI I PROCEDURËS PENALE (i bashkuar)	542 lekë
KODI CIVIL	408 lekë
KODI I PROCEDURËS CIVILE	224 lekë
KODI I PUNËS	138 lekë
KODI I FAMILJES	244 lekë
KODI I PROCEDURËS ADMINISTRATIVE	88 lekë
• Vendime të Gjykatës Kushtetuese	700 lekë
• Vendime të Gjykatës së Lartë	1000 lekë
• Përmbledhje legjislacioni për nëpunësin civil	200 lekë
• Përmbledhje legjislacioni në fushën e tatimeve dhe taksave	273 lekë
• Përmbledhje e legjislacionit për pasuritë e paluajtshme (Vol. I -192 lekë; Vol. II – 168 lekë, Vol. III – 185 lekë)	

Hyri në shtyp më 11.1.2008
 Doli nga shtypi më 11.1.2008

Tirazhi: 3500 copë

Formati: 61x86/8

Shtypshkronja “Nënë Tereza”
 Tiranë, 2008

Çmimi 16 lekë